



Resultads da votaziun dils 27 da schaner 2023

Il matg 2021 han las votantas ed ils votants dallas vischnauncas Laax, Sagogn e Schluein sebasond sin il preproject decidu cun gronda pluralitad d'examinar la fusiun dallas treis vischnauncas. Ils resultads da quellas examinaziuns ein all'entschatta dalla stad 2022 vegni presentai alla populaziun sil Plaun e silsunter vegni integrati en la cunvegna da fusiun sco era el rapport final. Quella cunvegna da fusiun ei vegnida presentada e discutada il davos d'october en tut las treis vischnauncas a caschun d'ina radunonza communal. Ultra da quei ha la populaziun grazia al rapport final detagliu ed in messadi da votaziun saviu far in meini cumplein sur dil project da fusiun dallas vischnauncas Laax, Sagogn e Schluein.

Il punct final dil project fuorman las radunonzas communalas organisadas parallel a Sagogn e Schluein sco era ina dumbraziun dalla votaziun all'urna el medem mument a Laax. Leutier ein ils suandonts resultads en las mintgamai vischnauncas vegni dumbrai ora:

Laax	290 gie	709 na
Sagogn	211 gie	51 na
Schluein	100 gie	44 na

Suenter che las votantas ed ils votants dalla vischnaunca Laax han decidu encunter la fusiun dallas treis vischnauncas ei il project serraus giu e la fusiun da Laax, Sagogn e Schluein sa buca vegnir realisada. Era sch'il team da project e las suprastonzas communalas dallas treis vischnauncas deploreschan quella decisiun, ei in na da respectar. Laax, Sagogn e Schluein vegnan a cuntinuar lur collaboraziun cumprovada e nua pusseivel e leu nua ch'ei fa senn rinforzar vinvavon quella!

Laax, 27 da schaner 2023

**En num dallas suprastonzas communalas
Laax, Sagogn, Schluein**